

薩天錫詩集
句曲外史貞居先生詩集

陸天錫前

後集

四部叢刊初編集部

上海商務印書館
印明弘治刊黑口本

薩天錫詩集序

作詩而至於化始可以為詩而足
以名世傳後矣苟詩而不至於
化徒抽黃而對白沿流以失源猶
前人之陳腐昧造詣之神化如此
而謂之詩者吾亦不之許也少陵
云讀書破萬卷下筆如有神
孟子云大可為也化不可為也
所謂讀書破萬卷者大可為
也所謂下筆如有神者化不可
為也大而至於能化可以謂之
神而為詩道之極矣吾觀前

元進士薩天錫之詩嘆羨仰慕
之無已是不獨予之如此舉天
下後世之知詩者無不嘆羨仰
慕之無已也是何也天錫之詩
大而能化之詩也語句雖鈍厚
而自有銘然之芒利對偶雖齟
齬而自有鏘然之音律小而寂
寥之簡大而春容之繁莫不皆
具體而成章有條而不紊也其
所以神化而超出於衆表者殆
猶天馬行空而步驟不凡神蛟
混海而隱現莫測威鳳儀廷

而光彩踴躍莫不猗猗而快觀
也是二者皆能神化為稀世之
珍而非常鱗凡羽款段駑駘之
所不能儔也人之聲聲者不足
以語之苟有聰明聞見於此者
不嘆羨而自嘆以終不仰慕而自仰
慕豈假刑驅勢迫而我就免廢
太守閔西趙公廷倚以名進士
起家書無不讀最知詩而好集
古詩者也見是編而甚喜不敢
自私於一已將繡梓以播於衆
人謂予宜序其所由來予非

知詩者見其所作之能化竊有
以嘆羨仰慕而不能生於同時
與之周旋於騷壇綢繹乎作之
之肯繁而多有所不辭也
成化二十一年歲在乙巳仲春花朝日
賜進士第朝列大夫致仕叅議寓
古亮玉田劉子鍾廷振謹書

予平生性拙苦不能詩及官刑曹
見同寅沂水楊文卿集古遂酷好
之乃遍求唐宋以來諸名家詩集
而錄之一日得元薩天錫詩集於
仁和沈文進見其詞氣雄渾清雅
興寄高遠讀之令人自不能釋手
予甚珍之惜其無刊本而所傳不
廣於是乃捐俸鉅梓以廣其傳
俾同志者得以共覽云

成化二十一年春二月一日

賜進士中順大夫知兗州府事前刑部
員外郎關中趙蘭廷猗謹識

天錫薩先生為同郡先
達其詩集傳播于世
前人希之備矣余何言
茲板刻歲久魯魚浸
多恐後學不便觀覽乃
捐俸資重綉諸梓以
廣其傳云

弘治十六年歲在癸亥
七月既望東昌知府鴈
門李舉識

薩天錫詩集

五言絕句

過紫微菴訪馮道士三首

道士愛幽居年來一事無
盆池新過雨石上種
菖蒲

山中華蓋洞石氣冷蕭蕭
不見眠雲客惟逢避
雨樵

研珠滴露清自點太玄經
盡日無人到小窓蘭
葉青

雪霽過青溪題道士江野舟南館二絕
孤舟橫野水門外雪晴初
白日莫放鶴青溪閑
釣魚

江南正月半猶自有梅花
踏雪去何處青溪道
士家

過高郵射陽湖雜詠九首

飄蕭樹梢風浙漚湖上雨
不見打魚人菰蒲鴈
相語

秋風吹白波秋雨鳴敗荷
平湖三十里過客感
秋多

野鶴如人長迎風理毛羽
獨立秋雨涼人來忽

飛去

雨濕鼓聲重風勻湖面平
官船南北去帆影掛
新晴

白鷺愛秋水獨立仍自行
得魚固偶爾鷺飛亦
常情

秋水落紅衣秋波日瀟灑
不見採蓮人惟逢捕
魚者

霜落大湖淺漁家懸破罾
此時生計別小艇賣
秋菱

捕魚湖中水賣魚城市裏
夫婦一葉舟白頭共
生死

大罾一丈濶小舟一葉輕
相傳子與孫終古無
人爭

病中雜詠七首

十日九風雨深秋獨閉門
積陰須自散倚杖望
朝暉

為客家千里思歸月滿樓
木犀開欲盡病裏過
中秋

門繫青驄馬多應問病人
小官好踈散莫訝懶
衣巾

病形如瘦鶴，照影向清池。自有冲霄志，游魚莫見疑。

風葉高下落，秋砧遠近聞。天涯多病客，倚杖看孤雲。

陶令貧無酒，郎官菊也無。家僮燒柿葉，隣舍送茱萸。

多病東廳客，深秋出幕遲。芙蓉開也未，葉上好題詩。

六言

次韻與德明小友

烟雨短篷水口，人家亂石山前。送別莫忘今日，相逢知在何年。

莫笑風飡水宿，暫離馬足車塵。兩岸好山送客，一江細雨歸人。

舟中題畫卷

兩岸好山如畫，丹崖翠壁樓臺。愛殺南閩風景，小官何日歸來。

五言律詩

送聞師之五臺

聞子初識面，天涯任去留。西風洞庭樹，落日楚淮舟。歲月棕鞋底，江湖竹杖頭。丹陽綵洗鉢，又入五臺遊。

題北固山無傳上人小樓

甕城春寂々，石磴草斑斑。倚杖高低月，登樓遠近山。百年詩句裏，三國酒杯間。自嘆黃塵客，來消半日閑。

送石民瞻過吳江訪友

老友吳江去，吳江水尚高。一樽散鱸膾，四月過櫻桃。矍鑠綠王杖，風流白紵袍。西窓故人夜，應是動揮毫。

鍾山曉行

樓閣龍雲氣，蒼蒼第幾峯。長風萬松雨，落月半山鍾。石磴盤空險，僧廊落葉重。吾皇曾駐蹕，千古說蟠龍。

和學士伯生虞先生寄韻

白鬢眉山老，玉堂清晝閑。聲名滿天下，翰墨落人間。才俊賈太傅，行高元魯山。獨憐江海客，樽

酒夜闌珊

投宿龍潭道林寺

倦遊借禪榻客意稍從容落日江船鼓孤灯野
寺鐘竹鷄啼雨過山白帶雲春半夜波濤作長
潭起臥龍

寄舍弟天與

鴻鴈飛南北關河隔弟兄水通鄖子國舟泊漢
陽城落木風霜下高秋鼓角清故人如問訊為
我道鄉情

送景南亭上人歸江西

登高傷逐別鴈幾行飛萬木江頭落一僧船
上歸故山秋嶂遠殘日晚鐘微亦有同袍者多
應候竹扉

偕趙達吉遵暑石頭城日暮余歸逢吉

留宿山中次日寄達吉并長老珪白巖
竹下一僧坐城頭獨客還星河下平地風露滿
空山犬吠松林外灯明石壁間故人借禪榻心
共白雲閑

鳳凰臺望祭進士鄭復初錄事

已矣鄭錄事功名與顛遠翳翹如挿戟體弱不

勝水白日長江去青山何處歸崇臺三酌酒目
斷鴈南飛

夜宿昇龍觀

舊日宸遊地朱欄護華紋龍飛九天雨鶴夢一
龕雲神火丹爐見仙音客枕聞殷勤謝道士深
夜禮茅君

秋日雨中登石頭城訪長老珪白岩不遇

石頭城上去紅葉雨紛、半日不見路四山都
是雲魚龍隨水上鐘磬隔江聞遙憶南左叟天
寒補納裙

同朱奔客王伯楮登金山妙高臺

幾年無此客同上妙高臺落日地中去長江天
際來英雄成往事歲月付呶盃無限登臨意舟
人莫重催

寄御史王伯楮

曠達王夫子才高早避名昨離建業水今住廣
陵城有酒從人飲無田藉筆耕竹西灯火夜誰
識緇衣行

九月七日舟次寶應縣雨中與天與弟別

解纜不忍發船頭雨濕衣汝兄猶是客吾弟獨

先歸行後閑河遠虛名骨肉稀如何變、鴈下
作一行飛

泊舟黃河口登岸試弓

泊舟黃河口登岸試長弓控弦滿明月脫箭出
秋風旋拂衣上露仰射天邊鴻詞人多膽氣誰
許萬夫雄

送蔭臺從事劉子謙之遼東

往復一萬里嗟君已兩行朔風吹野草寒日下
遼城策馬犯霜雪逢人問路程歸期在何日應
是近新正

錄囚河間還司送憲使韓仲宜調山東

尚想分司日人生類轉逢同行三伏盡此別幾
時逢雪竇泉花白霜林掃葉紅山東好風景少
駐莫匆匆

苦雨水溢呈憲司諸公

病客如僧懶多寒擁毳衲三山一夜雨四月滿
城秋海瘴連雲起江潮入市流釣竿如在手便
可上漁舟

立秋日登烏石山和揚子承

海國山西園繁華坐消歇樓觀沉夕陽鴻鴈下

秋色水邊無驪人石上多古刻感此暮歸逢秋
露滿山白

登烏石山仁王寺橫山閣

千尺青蓮座烟霞擁地靈山川幾綳屐日月兩
浮萍烏沒大垂海龍歸水在瓶深堂說法夜應
有石頭聽

送觀志能分得君字忠能與僕同榜又

同南臺從事考滿壯還

登臺曾並轡射策又同文八月中秋別三年此
日分風霜下木葉鴻鴈渡江雲無日不思我有
詩還寄君

過采石驛

客路青山外鄉心落照邊潤烟浮野樹涼雨過
淮天水調誰家笛江帆何處船鐵眉臺上月今
夜照孤眠

題焦山方丈壁和僧韻

故人不忍別野景亦相留白鴈寒沙月黃雲老
樹秋風霜侵客髯鼓角入邊愁滿目閑何興登
臨倦倚樓

送李恕可隨王宗師入京

借得茅山鶴乘風飛上天江步近九里客路已
三千禁闕紅雲上家鄉碧海邊待聞金馬詔復
見玉堂仙

送莫秀才歸番陽

番陽秋水落白下買船還遠夢驚新鴈歸帆識
舊灣打碑過薦福雙酒看芝山却憶曾遊處清
溪萬柳閒

寄朱縣尹

絲入金川境竹望眼餘亂山迷驛路一水護
人家地僻民安業官清縣少衙江東賢令尹心
地似梅華

寄石民瞻

京口石彭澤詩懷似鶴形蒼天客老健白髮照
江清夜鼎薰鷄舌秋袍織鳳翎醉扶綠玉杖應
望石頭城

題舊縣驛

高樹日停午斜飛燕子風一身千里外孤館萬
山中作客辭家久聞人問歲豐村桑柘柳蕭
馬廐西東

題江東精舍

長日重門靜幽居曲徑深開樽臨沼上移席就
簷陰竹亂鳥聲散障開魚影沉能文李公子抱
膝但長吟

題紫微觀馮道士房

卜築長江上回峯晚更奇山村猿索飯竹屋鶴
听暮雲護燒丹竈泉香洗藥池道人足高興不
許俗人知

正覺寺晚歸贈益山長老

粥魚聲已罷日暮掩柴扉送客月在地出山雲
滿衣燈明聞犬吠松暗見螢飛深夜長廊靜多
應獨自歸

次崔鎮壁間韻

木落歲時晏黃雲欲雪天買舟河下客立馬渡
頭船野迥風欺帽天寒袖裹鞭夜眠三鼓後曉
發五更前

寄王御史

御史傳天語飛霜到海垠浙江潮似雪閩上臘
如春孤客見明月亂山愁遠人何時動歸興家
有白頭親

送管元帥南征

楚帆風一葉此去幾時還日暮漢江碧雨晴湘竹斑邊聲連草木野色動荆蠻決策平徭後歸心北固山

過淮安暢曹伯都事幽居二首

萬事歸來好淮陰二畝園教見書滿架遇客酒盈樽野水到門外漁船繫樹根除書下霄漢坐席恐難溫

又

幽居有真趣何必在山村楚竹深蔽屋淮河直到門釣絲魚浪細書帙燕泥昏吟笑坐終日佳期誰與言

過高唐感事

殘雪覆碧草淒風吹未消王孫去不返魂魄又誰招往事如春夢無人問早朝荒陵斜照裏松樹晚蕭蕭

寄省郎郭天錫

人道省郎好簿書清畫閣惟公不自喜忽尔要思還酒債西湖路歸心北固山閑愁且拋却莫遣鬢毛斑

送金德裕之句容

元宵能幾日君去獨何心縣市春灯亂山村夜雪深鄉情猶越分詩句盡唐音後會逢寒食晴光滿樹林

贈新笑隱長老

佛宮天上有人世見應稀客過鐘鳴飯僧披御賜衣青春忌錫夢白日說龍飛遙憶宸遊屢金蓮照夜歸

都下同翰林諸公送御史尚遊題紫驢馬

御史紫驢馬今朝行且嘶遠烟芳草露細雨落花泥蹋月飲淮水隨雲過汴堤遙思鄉旆日晚立聽朝鷄

鍾山過風雨二首

城市多騷馬清遊有幾人山靈飛白雨朝士說紅塵雲起鐘樓暝桃開野寺春上人歸太晚誰主復誰賓

又

遊樂有深處豈知行路難山風吹馬倒松雨滴花寒立壺簾輿轉花臺石磴盤吾皇千萬壽曾此駐金盞

龍潭送侍中田義中携酒十里雪作

公子青駝馬追隨十里逸風頭雲葉凍酒面雪花消惜別頻回首無因見舞腰君歸金帳暖無限可憐宵

送道士良翁冠還楚丘

淮水春帆動山城積雨餘南臺去千里壯閣有三書白下曾行馬黃河可膾魚廟堂公論在君去莫躊躇

寄習思敬

深冬殘雪夜醉臥玉山樓風勁銀筍響花垂絳燭流連床無客夢中酒失鄉愁歲月如流水憑高憶舊遊

寄中臺照磨子徵

中臺高百尺幕府得姚郎洗面風生雨鳴珂月照霜詩成裁畫錦酒飲賜天香獨有無媒者臺城立晚涼

病起城東晚步

扶病誰同步尋幽思不群逢僧穿竹去吹笛隔林聞山勢浮雲合溪流野水分徘徊歸晚暎樹影月紛紛

次韻郭侍御

江左風流在長懷晉謝安夢山那厭世畏事却嫌官雲霧天門遠風波世路難臺端有東郭白髮添紉冠

寄士岩臺郎

薦士如君子文章立玉泥自登臺閣去不使簿書迷簿俸無餘積長貧有病妻長安貴公子中酒聽鶯啼

送宣古木

鐵面小將軍旌旗照海門兵機出孫武膽氣走桓溫社稷劒三尺乾坤酒一樽茫茫霄漢內此意與誰論

過賈似道廢宅

賈生亦何者此地起樓臺社稷無人物湖山養禍胎前朝亡國恨遺跡後人哀落日空江上王官亦草萊

送人之浙東

我還京口去君入浙東遶風物孤舟夜關山兩鬢秋出江吳水盡絕岸楚山稠明日相思處惟登北固樓

送人

適意無南北相逢江海邊
關山千里外風雨一
灯前呼酒友同醉論文子獨賢
分襟在今日握手又何年

寄友

紫燕鶯花老京城四月初
層樓開別酒小海出
銀魚度日輕肥馬朝天借
蹇馭頻言江海上亦有病相如

范食事出居

邑外桑麻長山中箬蕨甜
見孫薦時菓燕雀下
晴簷芳草生舍路揚花飛
過簾人頭似白雪對
客口如鉗

病中書懷二首

半月閉門坐蕭然
遠俗氣病中心似水門外馬
如雲練杵搗寒月香炉生
書薰興來覽明鏡太
瘦小參軍

欲向江邊去何時理釣
蓑城山入樓近隣竹過
牆多春甕浮紅酒晴池
戲白鵝閑門且消病俗
吏莫相過

大別山

落日在平地蒼茫吳楚秋
人隨孤鶴遠天共九

江流風物吞淮海樓船下鄂州
凭高一登眺不盡古今愁

元統乙亥余錄囚至滄州坐清風樓

晉代繁華地如今有此樓
暮雲連海淑明月滿
滄州歸鳥如雲過飛星拂瓦流
城南秋水盡寂寞採蓮舟

山中懷友六首

遠望空山裏天寒夕夢孤
林昏行題題江晚變
藤蕪課議難容我交遊重有
吾論文輕咳喘悶
俗到耕鋤

大府趙群芳脩材復壯騰波
瀾開白晝羽翼動
青冥弱質悲殊調明時欲獨醒
應憐揚執戟寤
寞太玄經

何事虛齋裏猶分首著盤
高林容偃蹇衆翼避
扶揲黑夜文星動青天劍氣
寒終南山正好那
得悔儒官

自是麒麟種卑栖又幾平
故廬南雪下短褐此
風前歲暮山林瘦天高雨露
偏惟應丈夫志未
受故人憐

卓犖恒山秀相逢幾抱琴
五年風雨別四海弟

兄心雲外梅花遠山中桂葉深定知稽叔夜高
興淵雲林

洛社推年久清村照柿林春風何處客芳草獨
行深遺墨收春刻新詩學楚音別離無一字目
斷白雲岑

送唐卿御史

去、紅塵外秋光滿華嵩故鄉歸衣錦行路避
乘駟未覺長安遠真成冀北空燕山一枝桂回
首正西風

題劉山長雪夜板輿圖

板輿行樂處鶴髮儘髣髴人子誰無母劉家獨
有男諸孫嬉掌上阿母度溪南玉宇光連夜顏
酡酒半酣

宿大橫驛

燈火明沙渡牛羊過水西村春千澗落野店四
山蒼桂樹偏宜月人家盡向溪秋蟾莫相惱惟
听度閑鷄

溪行中秋望月

去歲南閩客今年此日還中秋八月半一水萬
山間皓月飛圓鏡迴流轉曲環携家共清賞何

興在鄉間

遊梅仙山和唐人韻四首

城郭千峯合仙九一水分巔崖懸鳥道亂石聚
羊群苔井分丹水蒼烟煮白雲肩輿萬松嶺有
客訪梅君

絕頂尋仙跡寒泉照病容栖鶯多種竹愛鶴莫
移松丹藥人來乞山鞭手自春秋添霜葉滿藥
庭日相逢

仙人不可見借鶴過仙家夜臥千峯月朝餐五
色霞祠空風掃葉人去鹿啣花歸隱知何日分
爐學煉砂

洞天何處是休日謾尋真老鶴來迎客隔松長
似人茶爐敲火急丹井汲泉新風景秋過半烟
霞晚更親

平川幽居二首

際隱雲林靜何須負郭田圖書從塞屋鷄犬亦
登仙釀酒尋仙術脩琴借藥錢閑過武夷洞來
上釣魚船

九曲溪行盡平川隱者居看家留白鶴度竹惜
籃輿架上多丹藥床頭有古書漢廷論封禪應

問馬相如

次王御史韻

江城連日雪騎馬欲何之老樹昏鴉集寒塘落
鴈遲松窓灯下酒竹屋夜深棋寄語王公子出
樓或可期

和吳贊府齋中十詠

焦桐

憐爾抱奇質無香已自焚材高初偶得音古更
誰聞天海空遺操水霜見裂紋中官方煮鶴終
得舍夫君

蠹簡

六籍灰寒又名山依舊歲漆痕微有字芸草欲
無香後死嗟猶及斯文豈遽亡世方珍貝葉掩
卷一淒涼

破硯

巨璞何人鑿磨穿偶至今系文虛綠潤雨氣共
玄陰瓦礫開無異塵埃積轉深明光幾携入往
事復何心

殘畫

勝境不可得生綃餘舊圖丹青初彷彿塵土半

模糊蝴蝶飛疑去波濤折轉無良工今豈有為
爾一長吁

敗裘

擊尔亦已久風霜囊裏穿甘從稚子笑未受故
人憐雅志逾前古添期及暮年纍絲今化盡念
汝獨依然

舊劍

憶昔蛟龍劍提携竟出門紅塵走馬處白日報
人思歲月銅花滋雲烟牛斗昏淒然中夜舞回
首暗消魂

塵鏡

古鏡色如墨千年獨此留玉臺重網暗珠匣土
花浮莫笑塵埃滿曾令鬼魅愁蟠龍今已化雲
雨夢悠悠

廢繫

不解照珠翠早同文字盟何年中路弃無復向
人明宿雨高齋夢秋吟廢館情相看幾今夕及
此慨平生

斷碑

零落秋風卧何年破廟碑圖經愁莫載耆舊說

頻移野燒龜文失荒臺鳥跡疑遙知千載後拂
拭轉堪悲

卧鍾

龍溪父摧折深埋柰尔何耕民誰睥睨野杓自
摩挲雅奏多年歌銘文樂字訛斜陽荆棘裏長
伴舊銅駝

寄志道張令尹

淮南宣化閣相對石頭城二月風帆過滿江春
浪生青山行不斷綠野盡開耕令尹張公子見
童知姓名

送人兄弟相別

送兄南浦上情思兩悠々兄弟難為別江山愁
是愁聲搖夜月帆影障寒流後夜相思處數
噉鴻鴈秋

玉山道中

積雨千峯霽溪流兩岸平野花多映水山鳥自
吟名人語隨鄉變官船帶月行江南數千里無
處不關情

道中謾興二首

雲氣千峯暝溪流水相橋竹溪泥滑々榕樹雨

蕭々曲榭釣崖角垂虹掛嶺腰山家酒初熟或
事借椰歌

綠樹鶯啼盡山紅暎碧蘿一年春事了四月雨
声多閩海夏無暑山田晚種禾遠人千里別歸
思欲如何

薩天錫詩集